



KEMENTERIAN TENAGA DAN SUMBER ASLI

KERATAN SURAT KHABAR

SURAT KHABAR	:	BH			
TARIKH	:	8/7/2021 (KHAMIS)	MUKA SURAT	:	17
JABATAN	:	PDRM/ JPNP			

Polis, PGA sertai operasi musnah ladang haram

BH, 8 Jul 2021_17

Raub: Operasi tebang dan musnah ladang durian haram dalam Hutan Simpan Batu Talam di sini, berjalan lancar hari ini susulan kehadiran anggota polis daripada Briged Tenggara Pasukan Gerakan Am (PGA).

Sebelum ini, provokasi melampau pekebun yang menceroboh hutan itu pada hari kedua operasi menyebabkan perasaan bimbang menghantui petugas yang terbabit dalam usaha tebang dan musnah tanaman itu.

Ketua Penolong Pengarah (Penguatkuasa) Jabatan Perhutanan Negeri Pahang (JPNP), Nor Azirim Ahmad, menyifatkan kehadiran lebih ramai anggota PGA mulai semalam, seolah menyuntik semangat kepada penebang dan petugas lain.

Beliau difahamkan, 30 anggota PGA menyertai operasi itu mulai semalam dan hari ini 30 lagi turut bergabung menjaga keselamatan petugas yang berada di dalam Hutan Simpan Batu Talam.

Katanya, polis dan PGA turut mengadakan dua sekatan jalan raya di laluan utama masuk ke kawasan terbabit, selain kawalan membabitkan jambatan konkrit yang sebelum ini dua kali dirosakkan pihak tidak bertanggungjawab.

"Saya harap operasi kini berjalan lancar tanpa sebarang gangguan mana-mana pihak dan provokasi oleh pihak tidak bertanggungjawab tidak berulang lagi.

"Hari ini juga kita menambah lebih 30 kakitangan JPNP dari beberapa daerah untuk turut sa-

ma menyertai operasi musnah, menjadi kira-kira 65 petugas yang dibahagikan kepada beberapa kumpulan penebang," katanya ketika ditemui di sini, semalam.

Nor Azirim yang turut menyertai operasi itu, berkata kehadiran anggota Unit Penguatkuasa Negeri Pahang (UPNP) melancarkan lagi aktiviti menebang pokok durian kerana mereka berkemahiran tinggi dan mempunyai lebih kelengkapan.

Beliau berkata, pihaknya berharap operasi musnah kebun durian Musang King yang ditanam secara haram dalam Hutan Simpan Batu Talam seluas kira-kira 101 hektar dapat diselesaikan secepat mungkin lebih awal yang ditetapkan sebelum ini.



Anggota PGA memantau operasi memusnahkan tanaman durian haram di Hutan Simpan Batu Talam, Raub, semalam. (Foto Mohd Rafi Mamat/BH)

